

Monsieur mon Cousin,

Le Sieur de Peyraredde, qui vous rendra la presente, estant venu icy en la compagnie de Mon^{seigneur} de Belliere Ambassadeur de France, & desirant de faire un voyage en Hollande pour y mener son fils à l'escole de Mars, m'a prie de l'accompagner d'un mot d'adresse à vous qu'il a l'honneur de cognoistre desia par reputation, recherchant passionnément la cognoissance et l'amitié des personnes excellentes en science et Vertu, comme il se dit avoir esté honoré par celle de l'Ambassadeur Grotius à Paris; Ce que je ne luy ay pas voulu refuser, m'ayant esté recommandé aussy par le Sieur de Majere mon beau-frere, qui le tient pour gentilhomme d'honneur et d'esprit, me faisant esperer que vous trouverez en luy des qualitez qui ne sont pas indignes de vostre conversation, ny des faveurs qu'il vous plaira luy departir à l'avancement de son dessein.

À ceste venant de recevoir à ceste heure une lettre de nostre Cousin le Conseiller D'edel du 30^{me} de ce mois st. nov. par laquelle il desire que je luy envoie quelques livres du Sr Farnaby pour l'exercice de ses enfants et aussy des vostres en leurs estudes, je n'ay pas voulu perdre l'occasion du depart (bien que fort precipité) dudit Sr de Peyraredde, qui m'a promis d'en prendre la charge et vous les faire tenir, se hastant de la sorte qu'après avoir appresté soudainement le paquet d'édits livres, ne me resté point de temps d'escrire à nostre dit Cousin, à qui vous ferrez mes excuses et bair-mains, s'il vous plaist, l'assurant de mon service en tout où il me jugera capable de luy en rendre, et me faisant l'honneur de recevoir la mesme assurance de celui qui est et fera toujours

Mons^{ieur} mon Cousin

Vous trouverez aussy dit paquet tous les livres de firez, hormis celui de Petronius & Aristote; qui ne sont encore publiez, bien que compris au privilège entre autres, non tanquam editi sed deinde cum placuerit Farnabio.

L'Ambassadeur mon beau-pere m'a recommandé avec moy à vos bonnes graces, et à celles de vos plus proches parents, mes Cousins et Cousines

Vostre tres-affectionné Cousin &
bien humble Serviteur

M^{onsieur} Snouckaert de Schauberg

De Londres en grand haste
le 30^{me} de Mars st. nov.
1638

Aug. 07.

LEIDEN
1823





A 15

